

南  
漢  
文  
字  
略

南漢文字畧目錄

卷一

文目

三主

與楚馬希隱書

後主

贈故僧文偃匡聖宏明大師敕

黃損

畧

諫興建宮室疏

梁嵩

倚門望子賦

鍾允章

雲華御室記

王定保

唐摭言科第總序

摭言諸論

摭言贊

摭言科第散序

卷二

陳十八郎

尊勝經石幢記

雷嶽

匡真大師塔銘

龔澄樞

南漢文字

目錄

畧

法性寺西鐵塔銘

李托

法性寺東鐵塔銘

陳守中

匡聖宏明大師碑銘

僧神坦

長慶寺鐘欵

吳懷恩

感報寺銅鐘款

劉崇遠

新開宴石山記

僧義初

寶林寺鐘款

僧崇愍

乾亨寺鐘款

缺名

畧

鎮象塔記

長壽寺鐘款

卷三

詩目

黃損四首

張瀛一首

趙損二首

鐘允章一首

文丙四首

王定保一首

王詡一首

蔣吉七首

謝孚一首

林楚材一首

王言史一首

徐鹽一首

畧

周渭一首

周演三首

林衢一首

石仲元一首

古成之二首

僧卿雲四首

無名氏一首

附

趙氏一首

先主石讖

羅浮劍文

廣州童謡

卷四

附

閩祭劉隱文

劉昌魯致楚書

畧

梁末帝命錢鏐進取海南劉巖敕

南唐致劉鋹第一書

南唐致劉鋹第二書

宋潘美等露布

閩詹敦仁復留從幼問劍巖改名音義詩

南漢文字畧卷一

順德梁廷枏章冉輯

文錄

三主

名晟諡文武光聖明孝皇帝廟號中宗

遺楚靜江軍節度副使馬希隱書

武穆王奄有全楚富強安靖五十餘年正由  
三十五舅三十舅兄弟尋戈自相魚肉舉先  
人基業北面仇讐今聞唐兵已據長沙竊計

桂臨繼爲所取當朝世爲與國重以婚姻覩  
茲傾危恐不赴救已發大軍水陸俱進但令  
相公舅永擁節旄常居方面

按南漢先主娶楚王馬殷女故書內稱希  
廣三十五舅希萼三十舅希廣希萼皆殷  
子也

後主

名鏗入宋封恩赦侯薨封南越王

贈故僧文偃匡聖宏明大師敕

定水澄源火蓮發艷夙悟無生之理永留不

朽之名萬象都捐但秘西乾之印一真不動

唯餘

一作發

南祖之燈韶州雲門山證真禪寺

匡真大師早契宗乘洞超真覺雖雙林示滅

十七年靡易金軀隻履遺蹤數萬里應迴葱

嶺朕顯膺麻數續

一作繼

嗣丕圖泊三朝而並

切皈依乃一心而不忘廻向仰我師而獨登

果位在冲人而良所嘆嘉宜行封賞之文用

示褒崇之典可贈大慈雲匡聖宏明大師證

畧

真禪寺宜昇爲大覺禪寺

黃損

字益之連州人梁龍德二年進士仕先生官至尚書左僕射著有桂香集若干卷射

法一卷南漢書有傳

諫興建宮室疏

陛下之國東低閩粵西逮荆楚北阻彭蠡之波南負滄溟之險蓋舉五嶺而表之犀象珠玉翠玳果布之富甲于天下所謂金城湯池用武之地也今民庶窮落而工役繁興天災

人怨兵家所忌苟或不虞其何恃以爲戰且  
湖洛未平荆吳狂狡正宜務農息民以宏聖  
基庶遏強敵乃縱耳目之好盡生民之膏興  
土木之工傷樸素之化供一己逸欲而失天  
下心臣竊以爲陛下不取也

梁嵩

潯州桂平人自龍元年舉進士第一官翰林學士南漢書有傳

倚門望子賦

蒼蒼茫茫道遠倚倚望望情傷念遊子之久

別役慈心於遠方渺渺何之動幽懷於眷戀  
滔滔不返向上國以觀光當其截髮投師操  
心託迹遙望帝都俯登紫陌嚙臂於衛國門  
前題柱於昇仙橋側擔簋日久希寸祿以資  
榮負米程遙使何人而請益征輪蓬斷別騎  
塵飛睇盼睞睞凝思依依微寐而旣升雲路  
遙憐而獨倚柴扉汨淚難明我則每晨昏而  
悵望宗支有託汝曷無早晚以言歸常嘵望

於烟霄每淒从於蓬草杳杳兮故鄉寂寂兮  
舊室幾行雁陣空來萬里家書難述水聲遞  
驚懷古之思別恨惟對秋風之夕眷戀徘徊  
愁心靡開抑鬱之情恒自切湮淪之事有誰  
哀駕一葉之津涯誠難去矣聽孤鴻於碧落  
得不悲哉想彼淹留傷予離索躊躇兮不止  
優游乎何托盈庭之叢草徒榮滿眼之蘆花  
自落楊朱陌上蕭條而恨淚潛潛漢武臺邊

宛轉而殘霞漠漠恨陸海之高深念行役以  
難尋憶昔伯俞之志寧無泣杖之心見月而  
常憐獨坐聞蛩而每憶寒吟動茲懷土之思  
惟憑蜀魄觸爾還鄉之計暗托秋砧嗟夫峨  
峨仲邱殷勤士子獻書之數復何如千祿之  
心幾時止遣我日日望紅塵此心終未已

鍾允章

其先邕州宜化人徙番禺先生時舉進士累官中書舍人三主時遷工部郎中知制誥後主立擢尚書左丞參知政事宦官許彥真誣以謀反族誅南漢書有

傳

雲華御室記

大漢享國之三十有三祀龍集己酉季冬  
歲開十四葉上以萬機有暇四海無波時屬祈  
寒節當東狩九卿扈駕百司隨鑾巡英州舍  
於閭石翼日排仙仗整翠華羽衛星羅旗幢  
雲布嶽靈警蹕風伯清塵上衣龍章絳袍曳  
鳳文翠綬佩流黃鏤金之劍御飛靈凌崖之

畧

輿幸茲盤龍石室者也伏惟大聖文武元德  
大明至道大廣孝皇帝陛下聖惟天縱功格  
帝堯味道探元章真元之化端拱垂袞返淳  
朴之風百度惟貞九圍承式因訪清虛之景  
爰追汗漫之遊斯山之勝槩也得非元化興  
機巨靈運智丹臺璿室真爲上帝之居乳竇  
芝房宛是長生之境白犬吠而壺天晝永幽  
禽語而洞壑雲深神草含華元泉鴻瑞于是

拂石牀而設御停玉輦以綻旒遂感龜鵠呈祥  
河宗效器俄頃有一道流衣短褐歛容而至  
自稱野人本無姓名云昔時葛先生於此石  
室煉丹砂藥成息焰躡雲而舉今野人且伏  
火延神秘丹於靈符并云後五百載當有真  
人降此子宜以其還丹呈獻昨畧筭之起重  
光單闕之歲迄屠維作噩之年將四百九十  
紀果今金德主來幸驗真君之言明矣野人

因匍匐而來上喜聞所陳問僊者靈丹何在  
野人曰丈尺耳遂捫蘿於峭壁中取出一小  
石函函上有金書古篆題九蛇之丹四字內  
有神丹七粒大如黍粟光影射人僊者開函  
取丹躬自持獻野人遞旋踵隱入石縫間罔  
知厥止時有近臣奏曰聖上德契元微感茲  
靈異尙以兆民係念四海爲心雖獲還丹未  
宜輕服上然所奏遂屏左右迺召從臣吳懷

恩捧丹隨御於石室深邃處鑿石秘之眾莫  
知矣擇日亟命道眾設壇場陳齋醮以申告  
謝靈貺由是龍顏開豁圓蓋舒情綬撫瑤琴  
弄流泉之激越親灑宸翰奮睿思之縱橫奏  
九成之簫韶烟霞縹渺感百獸之率舞洞府  
喧闔羣后子來皆朝於禹會眾僊萃至競祝  
於堯齡微臣榮列紫垣獲隨鑾輶紀僊靈秘  
奧之事媿乏好辭頌聖朝煥克之功慚無麗

畧

藻拜承綸旨伏積競惶

按諸書所載少有異同飛璽五代史記注本作靈飛章真之章十國春秋本作奉渦瑞之瑞南漢春秋本作湍以燭旗之以作而而舉之而作西今野人果今爾今字十作春秋皆作令九十九紀之紀作祀真君之真作其持獻之持南漢春秋作捧又十國春秋九蛻之丹下有四字爾字註本則無之今統從註本考其異文且補所缺

王定保

南昌人第唐光化三年進士仕先主官寧遠度節使進中書侍郎同平章事著

唐摭言十五卷

唐摭言科第總序

南漢書有傳

周禮鄉大夫具鄉飲酒之數考其德行察其道藝三年舉賢者貢於王庭非夫鄉舉里選之義源於中古平夫子聖人始以四科齒門弟子後王因而範之漢革秦亂講求典禮亦激浮俗掄道藝則第雋造而廣人文故郡國貢士無虛歲矣繇是天下上計集於大司徒府所以顯五教於萬民者也我唐沿隋法漢

孜孜矻矻以事草澤琴瑟不改而清濁殊途  
丹漆不施而豐儉異致始自武德辛巳歲四  
月一日敕諸州學士及早有明經及秀才俊  
士進士明於理體爲鄉里所稱者委本院考  
試州長重覆取其合格每年十月隨物入貢  
斯我唐貢士之始也厥有沿革錄之加左

摭言諸論

永徽之後以文儒亨達不由兩監者稀矣于

時場籍先兩監而後鄉貢蓋以朋友之臧否  
文藝之優劣切磋琢磨匪朝伊夕抑揚去就  
與衆共之有如趙邵蕭李

趙驛邵軫蕭  
穎士李華

郭

苑陳

裴師德郭元振  
苑咸陳子昂

靡不名遂功成交全契

分泊乎近代厥道寢微玉石不分薰蕕錯雜

長我之望殊缺遠方之來亦乖止謂羣居固

非瓦合是知生而知之者性也學而知之者

習也渾金璞玉又何追琢之勢乎潢汙行潦

又何板築之置乎紵衣之獻彼跡疎而道親也畫龍之刻斯面交而心賊也後之進者定交擇友當問道之何如

孟軻言遇不遇命也或曰性能則命通以此循彼匪命從於性耶若乃大者科級小者等列當其角逐文場星馳解試品第潛方於十哲春闈斷在於一鳴奈何取舍之源殆不踵此或解元永黜或高第尋休黃頗以洪奧文

章蹉跎者一十三載劉蕡以平漫子弟汨沒者二十一年溫岐濫竄於白衣羅隱負冤於丹桂由斯言之可謂命通性能豈曰性能命通者歟苟拂於是何姦宄亂常不有之矣子曰不怨天不尤人下學而上達又曰求己不羣於人君子振跡發身咸覬善地反之於己何獨良之不常望之於人則愛憎之競作王冷然之負氣推命何疏魏丞相之復仇尤

人太過陵轢險詖二子得之有若李文公誨弟之書華良夫干時之啟所謂君子之儒也徐凝馬植豈非得之且武當垂名於不朽尹璞所謂雖文何益後之學者不得不以爲炯戒哉

科第之設沿革多矣文皇帝撥亂反正特盛科名志在牢籠英彥遁來林棲谷隱櫛比鱗差美給華資非第勿處雄藩勑郡非第勿居

斯乃名實相符享達自任得以惟聖作則爲官擇人有其才者靡捐於甕牖繩樞無其才者詎繫於王孫公子莫不理推畫一時契大同垂三百年擢士眾矣然此科近代所美知其美之所美者在乎端己直躬守而勿失昧其美之所美者在乎貪名巧宦得之爲榮噫大聖設科以廣其教奈何味道由徑未旋踵而身名俱泯又何科第之庇乎矧諸尋芳逐

勝結友定交競車服之鮮華騁杯盤之意氣  
沽激價譽比周行藏始膠漆於群強終短長  
於逐末乃知得失之道坦然明白邱明所謂  
求名而亡欲益而彰苟有其實又何科第之  
闕與

范宣之三立德居其首夫子之四科行在其  
先別乃五常者總之於仁百慮者試之於利  
禍福不能迴至德貧富不能窮至仁夫炯戒

之倫而窮達不侔者其惟命與苟屈諸道又何窮達之異致矣

書云人無常師主善爲師於戲近世浮薄率皆貴彼生知恥乎下學質疑問禮者先懷愧色探微頤奧者翻汨沈流風教頽圯莫甚於此由是李華自曰師於茂挺李勣亦曰請益退之于時名遂功成才高位顯務乎矯俗以遏崩波盛則盛矣方之繆公以小吏一言北

面而師之者可謂曠古一人而已有若考覈  
詞藝之臧否振舉後生之行藏非唯立賢所  
謂報國噫今之論者信僥倖之賊歟

馬不必驥驥要之善走浴不必江海要之去  
垢苟華而不實而比周鼓譽者不爲君子腹  
誹鮮矣

夫求知者匪言不通旣通者匪節不合得之  
於內失之於外萬萬不能移也所以越石父

免於羈束未旋踵而責以非禮善窺其合而已矣其有屬辭叙事言雖訐口知之者不其咎歟苟異於是其如險詖何

士之謀身得之者以才失之者惟命達失二  
揆宏道要樞可謂勤于脩己者與苟昧於斯  
繫彼能否臨深履薄歧路紛如得之則恃己  
所長失之則尤人不盡千祿之子能不慎諸  
及知命也者足以引之而排解望不足倚之

而圖富貴倚之則事怠怠則智性昏引之則  
惑通通則尤怨弭故孔孟之言命蓋阨窮而  
已矣有若立身慎行與聖哲同轍者則得喪  
語默復何薑芥乎復何穹隆乎然士有死而  
不忘者恩與知而已矣包子之誤放李翹之  
奏章足以資笑談不足以彰事實有功成身  
退冥心希夷者吾不得而齒矣

古人舉事之所難者大則赴湯火次則臨深

履薄李少卿又曰操空拳冒白刃聞者靡不  
膽寒髮豎永爲子孫之戒噫危矣彼之得因  
我也失亦因我也殊不知三百年來科第之  
設草澤望之起家簪紱望之繼世孤寒失之  
其族餒矣世祚失之其族絕矣愧彼爲裘之  
義覲乎析薪之喻方之湯火深薄空拳冒刃  
危在彼矣是知瓜李之嫌慈政之謗斯不可  
忘若邵鄭二子單進求名之志先其類雖順

坂之勢可惜而揠苗之戒難忘名旣靡揚得  
之不求崔公舊制仁者所不爲也許蔡二公  
所取者道也非爲名也莎錦之譽譖浪而已  
才者璞也識者工也良璞授於賤工器之陋  
也偉才任於鄙識行之缺也由是立身揚名  
進德脩業苟昧乎識未有一其行藏者也矧  
乃時之不來命或多塞善惡蔽於反已得失  
倖於尤人豈不驟達終危雖榮是辱非夫克

明躁靜之本洞究存亡之域臨財毋苟得臨  
難毋苟免而能索身於坦夷者未之有也楊  
子雲曰治亦鳳也美才高識其唯君子歟

無義而生不若有義而死邪曲而得不若正  
直而失雖抱屈於一時竟垂裕於千載者費  
得之矣比夫天地無全功聖人無全能者自  
得之矣麟肝鳳髓不登於俎者其唯蔣君乎  
工拙由人得喪者命非賢之咎伊時之病善

不爲名而名隨之名不爲祿而祿從之苟異  
於是不汨而小人之儒也尤人君子之儒也  
反已詩曰風雨如晦雞鳴不已

夫子口無擇言身無擇行言之遜人不以爲  
諂言之危人不以爲訐蓋言與行契行由言  
立故生人以來未有如某之聖者儒有用言  
于進幾乎若乃交道匪終得言紀之者時則  
有其人矣

語云當仁不讓於師顏氏子亦曰舜何人也  
予何人也苟得其道自方於舜不爲之太過  
苟失其道五尺童子能不鄙其妄與參以五  
利受售不繫能否儒行缺矣輕薄之徒終喪  
厥德旅獒之戒人子其惟慎諸

蕭琛以桃杖虎靴邢紹以絳綿斜髮所務先  
設奇以動眾後務能以制人振天下之大名  
爲一時之口實者也鄭公之服錦王公之衣

纈得無意於彼乎苟名實相遠則服之不衷  
身之災沈酗之失聖人所戒雖王佐之才得  
以贖過其如名教何

構思明速稟生知乎用不以道利口而已不  
屑相攻其揆一也惜名掩善仁者所忌堯舜  
其猶病諸

飛書毀謗自古有之言之公足以改過不公  
足以推命睚眦讐之無益於己夫子之謂桓

魋孟子之稱臧倉其是之謂與

七情十義靡不宗於仁而祖於禮者矧乃四  
科之本文不居先三益之門德常在首又何  
片言小善辨口利辭垂於簡編侔於粉續者  
也或曰不然夫人頂天踵地惟呼最靈有德  
者未必無文其上也文不勝德其次也德不  
勝文有若文德具美含元不耀者其惟聖人  
乎奈何近世薄徒自爲岸谷以含毫紙墨爲

未事以察言守分爲名流洎乎評品是非適  
較古今竟不能措一辭發一論者能無愧於  
心乎故僕雖題親詠折衝樽俎者皆列於門  
目斯所以旌表瞻敏而矛盾榛蕪也亦由辱  
以馬驥而俟之鶯谷知我者當免咎與若乃  
先達所傳臧否人物雖不研究根本皆可著  
鑑行藏莫匪正言足方周該其有迹處皂隸  
而行同君子者苟遺而不言則取舍之道賤

賢而貴忠孝之本先華而後實七十子之徒其臣於季孟者亦其類而已

摭言贊

孰以顯廉臨財不苟孰以定交宏道則久窮乃益堅達以胡有無得無喪天長地久君子行之小人則否

舉孤棄讐聖人所美下展蔽善匹夫所鄙懿彼數公時行時止守道克勤薦賢不倚冷然

所尚鴻儒不爲矣

摭言散序

定保生於咸通庚寅歲時屬南蠻騷動諸道  
徵兵自是聯翩冠亂中土雖舊第太平里而  
跡未嘗達京師故治平盛事罕得博聞然以  
樂闇科第之美嘗諮詢於前達間如丞相吳  
郡公戾翰林侍郎濮陽公融恩門右省李常  
侍渥顏夕拜堯從翁丞相溥從叔南海記室

渙其次同年盧十三延讓楊五十一贊圖崔  
二十七籍若等十許人時蒙言及京華故事  
靡不錄之於心退則編之於簡策始以進士  
宴遊之盛案李肇舍人國史補云曲江大會  
比爲下第舉人其筵席簡率器皿皆隔山拋  
之屬比之席地幕天殆不相遠爾來漸加侈  
靡皆爲上列所據向之下第舉人不復預矣  
所以長安遊手之民自相鳩集目之爲進士

團初則至寡泊大中咸通已來人數頗眾其有何士參者爲之酋帥尤善主張筵席凡今年纔過關宴士參已備來年遊宴之費繇是四海之內水陸之珍靡不畢備時號長安三絕南院主事鄭容中書門下  
張良佐井士參爲三絕團司所由百餘輩各有所主大凡謝後便往期集院團司先於主司  
宅則稅一大第  
與新人期集院內供帳宴饌卑於輦轂其日狀元與同年相見後便請一人爲錄事舊例

率以狀元爲錄事

其餘主宴主酒主樂採花主茶之

類咸以其日辟之主樂兩人一主飲妓放榜

後大開科頭兩人

第一部

常詰旦至期集院常

宴則小科頭主張大宴則大科頭縱無宴席

科頭亦逐日請給茶錢

平時不以數後每部人日五百文

第一

部樂官科地每日一千第二部五百見燭皆

倍科頭皆重分逼曲江大會則先牒教坊請

奏上御紫雲樓垂簾觀焉時或擬作樂則爲

之移日故曹松詩云追遊若遇三清樂行從應妨一日春敕下後人置被袋例以圖障酒器錢絹實其中逢花卽飲故張籍詩云無人不借花園宿到處皆攜酒器行其被袋狀元錄事同檢點闕一則罰金曲江之宴行市羅列長安幾於半空公卿家率以其日揀選東牀車馬闢塞莫可禪述洎巢寇之亂不復舊態矣

南漢文字

卷一

三

南漢文字畧卷一終

南漢文字畧卷二

順德梁廷相章冉輯

陳十八郎

尊勝經石幢記

上缺  
乾和三年太歲乙巳三月八日丙寅下

缺  
陳十八郎敬贖造加缺佛尊缺陁羅尼幢

一座追薦幽途胡誤物并乞自下缺長於羅

浮下缺禪院供養設齋慶讚訖

畧

按幡在羅浮山寶積寺

門外太作大薦作鷹

雷獄

事三主麻官御書院給事南漢書有傳

匡真大師塔銘

詳夫水月定形覺浮生之可幻火蓮發艷知  
覺性之宜修故妙果圓明寂爾而不生不滅  
真如常住湛然而無玄無來祐其華則是色  
皆空存其實則眾魔咸折亦由山藏白玉泥  
塗不能汙其珍沼出青蓮塵垢不能染其質

者也故匡真大師業傳西裔性達南宗戒珠  
朗而慧日融光覺海揚而慈霖普潤示非法  
無法之說若電翻輝應真空不空之談如鍾  
逐扣以心唯清淨道本慈悲常挑智慧之燈  
洞照昏衢之路將使化周有截終期證後無  
爲故我釋迦如來厭綺羅絲竹之音痛生老  
病死之苦踰金城而學道依檀持而修真六  
載成功萬法俱熟爲四十九年慈父演八萬

畧

四千法門現千百億化身

此句似衍一字遍娑婆世

界說多多緣起開種種導門誓化迷渝令超

正覺子時求法寶者是諸沙數得道者於意

云何小則證須阿洹斯陀含大則超阿羅漢

辟支佛卷舒自在蓮花中藏十二音聲變現

無窮芥子內納三千國土迺後化緣將卒示

滅雙林卽以法服衣傳于迦葉葉傳阿難難

傳商和那修修傳優波憩空如此展轉相傳

俾令常住世不滅矣泊至曹溪大圓滿至  
真起覺大師是爲第三十三世祖若祇認達  
磨禪師傳衣法至于曹溪則中華推爲第六  
祖焉故西來智藥三藏駐錫曹溪云一百七  
十年後當有無上法寶肉身菩薩于曹溪興  
化學道者如林故號曹溪爲寶林自祖師成  
等正覺後現一百六十九口生身菩薩遍在  
諸方行化邇后得道莫知其數皆曹溪之裔

也故匡真大師嗣于一葉焉師諱文偃姓張氏晉王閻東曹叅軍翰十三代孫也翰知世將泯見機休緣徙于江湖故肩及我祖生于蘇州嘉興郡師幼慕出塵乃棲于嘉興空王寺志澄律師下爲童凡諸經無煩再閱及長落髮具足于常州壇後侍澄公講數年頃家四分指歸乃辭澄謁睦州道從禪師則黃蘖之派也一室常閉四壁唯空或復接人無容

佇思師卷舒得志徑往扣門禪師問誰師曰  
文偃師關門云頻頻來作什麼師云學人已  
事不明禪師曰秦時輒轢鑽以手托出閉門  
師因是發明又經數載禪師以心機祕密關  
鑰彌堅知師終爲法海要津定作禪天朗月  
因語師云吾非汝師莫住師遂入閨纔登龕  
骨直奮鵬程因造雪峰會三禮欲施雪峰乃  
云何得到詰麼師不移絲髮重印全機雖等

截流還同戴角由是學徒千餘凡聖莫審師昏旭參問寒燠屢遷樞衣惟切於虛心得果冥輸于實腹因有僧問雪峰云如何是觸目不見道運足焉知路雪峰云蒼天僧不明問師師曰三斤麻一疋布僧後問於峰峰云嘻我常疑個布衲師於會裏密契玄機因是出會遍謁諸山尊宿頗有言句世所聞知後雪峰遷化學徒乃問峰佛法付誰峰云遇松偃

處住學徒莫識其機偃者蓋師名也至今雪  
峰遺誠不立尊宿辛未禮于曹溪旋謁靈樹  
故知聖大師以心機相露膠漆契情歲在丁  
丑知聖大師一日召師及學徒曰吾若滅後  
必遇無上人爲吾茶毘至戊寅高祖天皇大  
帝巡狩韶石幸于靈樹知聖遷化果契前約  
敕爲契之獲舍利塑形于方丈于時詔師入  
見特恩賜紫次敕師于本州廳開堂師於是

踞知聖遊說雪峰法實謂禪河泐湧佛日輝  
華道俗數千問答應嚮郡守何公希範禮及  
曰弟子請益師曰目前無異草有人問如何  
是本來心師云舉起分明別有言句錄行于  
世爾後大師心唯恬然奏乞移菴敕允癸未  
領學志開雲門山五載功成四周雲合殿宇  
之簷楹翼翥房廊之高下鱗差邃壑幽泉挫  
暑月而寒生戶牖喬松修竹冒香風而韻葆

宮商近於三十來秋不減半千之眾歲納他  
方之供日豐香積之厨有殊舍衛之城何異  
靈山之會院主師傅大德表奏院畢功敕賜  
光泰禪院額及朱記至戊戌歲高祖天皇大  
帝詔師入闕帝問如何是禪師曰聖人有問  
臣僧有對帝曰作麼生對師云請陛下鑒臣  
前語帝悅云知師孤戒朕早欽敬宣下授師  
左右街僧錄師默而不對復宣下左右曰此

師修行已知蹊徑應不樂榮祿乃詔曰放師歸山可乎師欣然山呼萬歲翌日賜內帑香藥施利鹽貨等廻山并加號曰匡眞厥後每年頻降頒宣繁不盡記恭惟我當今大聖文武玄德大明至道大廣孝皇帝歲在單閼運聖謨而手平內難奮神武而力建中興恩極八絃道弘三教乃詔師入內經月供養賜六銖衣一襲香藥施利等而廻并御製塔額預

賜爲寶光之塔瑞雲之院師自從示眾卓爾  
宗風凡在應機實當奇特常一時見眾集久  
乃云汝若不會三十年莫道不見老僧時有  
三僧一時出來禮足師云三人一狀有問禪  
者則云正好辨有問道者則云透出一宗有  
問祖意者則云日裏看山有纔跨門者則以  
杖打之有時云衆云直下無事早是埋沒也  
迷緣不已豈是徒然畧舉大綱將禪往代師

以法無定相學無准常每修一忌齊用酬二  
嗣諱此處字似有訛師一坐道場三十餘載求法寶

者雲來四表得心印者葉散諸山則知覺路  
程開雙林果滿諸漏已盡萬法皆空雖假臥  
漳未少妨於叅問終云虛幻乃示寂以韜光  
侍者奉湯師付盃子曰第一是吾着便第二  
是汝着便記取遺修表祝別皇王乃自札遺  
誠曰吾滅後汝等弗可效俗教着孝服哭泣

喪車之禮則違佛制有紊禪宗也付法于白  
雲山實性大師志庠師會下已匡徒眾已酉  
歲四月十日子時師順世嗚呼慈舟壞兮輪  
廻失渡法山摧兮飛走何依縕倫感薤露之  
悲檀信動式微之詠宋雲遇處但携隻履以  
無還慈氏來時應召三峯而再出月二十有  
五諸山尊宿具威儀道俗千數送師于浮圖  
靈容如昔依師訓塔于當山方丈內法齡七

紀二僧臘六旬六于日行雲斂態隴樹無春  
覲獄孤猿啼助哀傳之苦穿林幽鳥聲添惜  
別之愁弔客掩襟佇立以泣在會叅學小師  
守堅終始荷贊洞契無爲門人淨本大師常  
實等三十六人知事皆明佛性雅得師宗也  
在京弟子報恩寺內供奉七十餘人皆出自  
宮闈素精道行敕賜與師爲弟子法經內僧  
錄六通大師教中大法師道聰洞容入門尤

精外學也嶽鏤冰鑿映雪功疎自愧斐然  
濫承厚辟編成實性紀彼銘云

師歸何處超然寂然愛河萬頃涉若晴川

其一

恩超四果難降衆魔迷則眾劫悟則刹那

其二

是色非色真空則空如水涵象若燭隨風

其三

雖云有佛難窮于佛如地有芽逢春自出

其四

菩提無種覺花無子妙果如成有何生死

其五

是法非法恍惚難尋無內無外卽心傳心

其六

刲名成灰兮邱陵潛燬大海爲田兮人倫斯

改紀師實性兮刻于貞珉龍化會開兮師蹤

如在漢大寶元年歲次戊午十二月一日建

按此與陳守中所紀文假事界有同異透  
出一宗宗字守中作字僧問觸目不見道  
峰曰呴不明又問師日更奉三尺竹高祖  
問作麼生是本來心日舉起分明並異

龔澄樞

咸寧人先生時爲內給事後主  
時累官至內太師南漢書有傳

西鐵塔記

玉清宮使德陵使龍德宮使開府儀同三司

行內侍監上柱國龔澄樞同女弟子鄧氏三  
十二娘以大寶六年歲次癸亥五月壬子十  
七日戊辰鑄造永充供養

入緣弟子內給事都監韶州梁延鄂

鉢弟  
子劉軍

鉢

按塔四面刻銘各七行行八字至十字不  
等外一行官名文皆同皆有佛號三面字  
皆殘缺過半唯西面獨完好末一行亦爲  
三面所無是塔作於大寶六年澄樞所自  
造東塔作於大寶十年李托等奉敕造木  
竹塔先生曝書亭集謂二塔並立一屋一

畧

作記一題名固謨翁覃溪先生粵東金石畧云竹垞謂其列名皆宦者今觀其列名皆沙門監造而宦者惟澄樞一人今按西塔無沙門題名東塔宦官又止李托無澄樞名則金石畧所記亦誤也

李托等

托封川人事先生爲內府局令後主時累進內太師南漢書有傳

### 東鐵塔記

大漢皇帝以大寶十年丁卯歲勅有司用烏金鑄造千佛寶塔壹所七層并相輪蓮花座高二丈二尺保龍躬有慶祈鳳麻無彊萬方

咸使於清平八表永承於交泰然後善資三

有福被四恩以四月乾德節設齋慶讚謹記

上缺

使秀

下缺

官點檢

下缺

將軍行

下缺

開

國伯食邑七伯戶

下缺

教中大法師內

下缺監下缺

大夫檢校工部

尚書

缺法

師沙

下缺

上缺中大

下缺檢校

缺部尚書

下缺門

下缺

教中大法師內供奉講經首座金紫

下缺夫

畢

檢校工部尚書寶法大師沙門臣

下缺

內殿大僧錄敎中大法師金紫光祿

下缺

檢

校工部尚書曉真大師法門臣道

下缺

按塔記鑄鐵爲之已剥蝕不完卯輪躬數字已缺金石萃編本咸下又缺一字南漢春秋所載是底字道光廣東通志金石畧作使字以拓本考之固使字也又佛上一字萃編本誤作十字于上兩本均缺一字細繹拓本實空格也今據南漢春秋本補

入而更

正之

陳守中

後主時官西御院使集賢學士承旨遷大中大夫知太僕寺事南漢書有傳

匡聖宏明大師碑銘

原夫真空無相劫火銷而性相何來妙法有  
緣元氣剖而因緣何起造化莫能爲關鍵元  
黃不可爲種根乩乎十號之尊出彼三祇之  
劫增莫知而滅寧覩詎究始終望不見而名  
無言孰明去住不有中有不空中空匪動匪  
搖常寂常樂拘留孫之過去釋種圓明毗婆  
尸之下生元荷合契絲是修行道著相好業

成爰授記於定光迺度人於摩揭自是一音  
演說二諦宏宣開八萬法門化三千世界大  
乘六而小乘九慧業難基欲界四而色界三  
昏波易染所以興行六度接引四生求真者  
竟洗六塵修果者咸超十地盡使昏衢之內  
俱萌捨筏之心大麁人天俾居淨土其後衣  
纏白氈屣脫金沙示無住之身現有終之理  
於是迦葉結集阿難證真遞付心珠住持法

藏象敎遠流於千疊覺花遍滿於十方馬鳴  
興護法之功龍樹顯降魔之力師師相受法  
法相承大化無窮不可思議而自我祖承運  
明帝御乾符聖夢以西來圖粹容而東化金  
言玉偈摩騰行首譯之文鹿苑雞林佛朔遂  
身遊之化迨於魏晉迄至隋唐達理者甚多  
得道者非少其如麻帝麻代有廢有興未若  
當今聖明欽崇敎相者也伏惟睿聖文武隆

德高明宏道大光孝皇帝陛下德參覆載道  
合照臨叶九五之龍飛應一千之鳳麻承帝  
譽有堯之慶鴻業敦興體下武繼文之基聖  
功崛起每念八絃紛擾九土艱虞耀干戈弧  
矢以宣威救生靈塗炭用聲明文物而闡教  
致寰宇雍熙櫛沐忘勞鑒大禹之所未鑒造  
化不測開巨靈之所未開慶雲呈而甘露垂  
嘉穀生而芝草出其於儒也則石渠金馬刊

定古今八索九邱洞窮淵奧其於道也則採  
元抱朴得太上之妙門寶錄靈符授虛皇之  
秘訣於機暇旣崇於儒道注宸衷復重於佛  
僧是以奉三寶於虛空福萬民於寰宇紺宮  
金刹在處增修白足黃頭聯辰受供而乃頻  
彰瑞感顯應昌期矧以韶石奧區漕溪勝地  
昔西來智藥三藏駐錫於漕溪曰一百七十  
年後當有無上法寶肉身菩薩於此興化學

道者如林故號濟溪曰寶林也二十八祖之心印達磨東傳三十三代之法衣祖師南授自六祖大師登正果之後所謂學者如林天下高僧無不臻湊者矣大慈雲匡聖宏明大師者則別穎一枝也大師澄真不渾定性自然馳記荆之高名躡迦維之密行惠燈呈耀智劍發硎六根淨而五眼清不染不著四果證而三明朗自悟自修啟禪門而定水泓澄

搜律藏而戒珠瑩徹水上之蓮花千葉清淨  
芬芳空中之桂魄一輪孤高皎潔機無細而不應道有請而必行固得百福莊嚴萬行圓滿盡諸有漏達彼無爲大師諱文偃姓張氏吳越蘇州嘉興人也生而聰敏幼足神風不雜時流自高程性纔逾卯歲便慕出家乃受業於嘉興空王寺律師志澄下爲上足披經懌偈一覽無遺勤苦而成依年具尸羅於常州

畧

戒壇初習小乘次通中道因聞睦州道蹤禪師關鑰高險往而謁之來去數月忽一日禪師發問曰頻頻來作什麼對曰學人已事不明禪師以手推出云秦時輒轢贊師因是發明微而有理經數載策杖入閩造於雪峰會下三禮之後雪峰和尚頗形器重之色是時千人學業四衆咸歸肅穆之中凡聖莫測師朝昏參問寒燠屢遷昂鶴態於羣流閑禪扉

於方寸因有僧問雪峰曰如何是觸目不見  
道運足焉知路雪峰曰吽其僧不明舉問師  
此意如何師曰兩斤麻一疋布僧又不明復  
問何義師曰更奉三尺竹僧後聞於雪峰峰  
曰噫我常疑箇布衲其後頗有言句繁而不  
書乃於眾中密有傳授因是出會游訪諸山  
後雪峰遷化學徒問曰和尚佛法付誰峰曰  
遇松偃處住學徒莫測偃者則師之法號也

遺誠至今雪峰不立尊宿辛未屆於漕溪旋  
謁靈樹故知聖大師如敏  
長老以識心相見靜本

畧同傳侶接延僅逾八載丁丑知聖忽一日

召師及學徒語曰吾若滅後必遇無上人爲

吾茶毗及戊寅歲知聖大師順寂恰遇高祖

天皇大帝駕幸韶陽至於靈樹勅爲焚爇果

契前言也師是時奉詔對駁便令說法授以

章服次年又賜於本州爲軍民開堂師據知

聖筵說雪峰法牧守何希範禮足曰弟子請  
益師曰目前無異草是日問禪者接踵其對  
答備傳於世師余後倦於延接志在幽清奏  
乞移庵帝命俞允癸未領眾開雲門山構創  
梵宮數龕而畢莫不因高就遠審地爲基層  
軒邃宇而湧成花界金繩而化出曉霞低覆  
絳帷微覩於雕楹夕露散垂珠網輕籠於碧  
凡墮匝盡奇峰秀嶺逶迤皆潑黛堆藍泉幽

而聲激珠璣松老而勢擎空碧由是裝嚴寶  
相合雜香廚櫞衣者歲溢千人擁錫者雲來  
四表菴羅衛之林畔景象無殊耆闇崛之山  
中規模匪異院主師傳表奏造院畢功勅賜  
額曰光泰禪院至戊戌歲高祖天皇大帝詔  
師入闕朝對有容因宣問曰作麼生是本來  
心師曰舉起分明帝知師洞韞元機益加欽  
敬其日欲授師左右街大僧錄遜讓再三而

免翌日賜師號曰匡真大師延駐浹旬賜內  
帑銀絹香藥遣迴本院厥後常注宸衷頻加  
賜賚尋伏遇中宗文武光聖明孝皇帝纘承  
鴻業廣布皇風廓靜九圍常敬三寶復降詔  
旨命師入於內殿供養月餘仍賜六銖衣錢  
銅香藥等却旋武水并預賜塔院額曰瑞雲  
之院寶光之塔師禪河浩淼聞必驚人有問  
禪者則云正好辨有問道者則云透出一字

有問祖師意者則云日裏看山凡所接對言  
機大約如此了義元遠法藏幽微化席一興  
歲華三紀師於生滅處在色空中來若鳳儀  
作僧中之異瑞去同蟬蛻爲天外之浮雲於  
屠維作噩之歲四月十日寢膳微爽動止無  
妨忽謂諸學徒曰來去是常吾當行矣命侍  
者奉湯師付湯椀於侍者曰第一是吾著便  
第二是汝著便亟令修表告別君王乃自札

遺誠曰吾滅後不得數俗家着孝衣哭泣備喪車之禮則違我誠有紊禪宗也付法於白雲山實性大師志庠其日子時瞑目怡顏疊足而化嗚呼化緣有盡示相無生端然不壞之身寂爾歸真之性惠兼雖乾於此界法山復化於何方峰雲慘澹以低垂衆鳥悲鳴而不散學徒感極瞻鴈塔以銜哀門客戀深拜禪龕而雪涕以當月二十有五日諸山尊宿

四界道俗送師入塔壽齡八十六僧臘六十  
六香飄數里空振一隅護法龍神出虛空而  
閃爍受戒陰騰現鬚髮之形容其後諸國侯  
王普天僧眾聞師圓寂輒致齋羞而後一十  
七年我皇帝應天順人垂衣御極順三靈而  
啟聖紹四葉之耿光大振堯風中興佛法至  
大寶六年歲次癸亥八月有雄武軍節度推  
官阮紹莊忽於夢中見大師在佛殿之上天

色明朗以拂子招紹莊報云吾在塔多時汝可言於李特進

秀華宮使特進李托也

托他奏聞爲吾

開塔紹莊應對之次驚覺麻然是時李托奉勅在韶州於諸山門寺院修建道場因是得述斯夢修齋事畢迴京奏聞聖上謂近臣曰此師果圓滿坐化多年今若託夢奏來必有顯現宜降勅命指撝韶州都監軍府事梁延鄂同本府官吏往雲門山開塔如無所壞則

奏聞迎取入京梁延鄂於是准勅致齋然後  
用功開鑒菩薩相依稀旋覩蓮花香馥郁先  
聞須臾寶塔豁開法身如故眼半合而珠光  
欲轉口微啟而珂雪密排鬢髮復生手足猶  
軟放神光於方丈晃耀移時興瑞霧於周迴  
氤氳永日卽道卽俗觀者數千靈異旣彰尋  
乃具表奏聞勅旨宣令李托部署人船往雲  
門修齋迎請天吳息浪風伯清塵直濟中流

俄達上國勅旨於嶧峽步駐泊翌日左右兩  
街諸寺僧眾東西敎坊四部伶倫迎引靈龕  
入於大內螺鉢鏗鏘於玉闕幡花羅列於天  
衢聖上別注敬誠賜昇秘殿大陳供養疊啟  
齋筵排內帑之瓊珍饌天廚之菹藻列砌之  
駿珠斛滿盈盤之虹玉花明浮紫氣於皇城  
炫靈光於清禁聖上親臨寶輦重換法衣謂  
侍臣曰朕聞金剛不壞之身此之謂也於是

許羣寮士庶四海蕃商俱入內庭各得瞻禮  
瑤林畔千燈接晝寶山前百戲聯宵施利錢  
銀不可殫紀以十月十六日乃下制曰定水  
澄源火運發鑿夙悟無生之理永畱不朽之  
名萬象都捐但秘西乾之印一真不動惟發  
南祖之燈韶州雲門山證真禪寺匡真大師  
早契宗乘洞超真覺雖雙林示滅十七年靡  
易金軀隻履遺蹤數萬年應迴葱嶺朕顯膺

麻數續嗣不圖洎三朝而並切阪依乃一心而不忘迴向仰我師而獨登果位在沖人而良所歎嘉宜行封賞之文用示褒崇之典可贈大慈雲匡聖宏明大師證真禪寺宜昇爲大覺禪寺重臣將命乳奠坤儀太常行禮於天墀綸誥宣恩於雲陛固可冥垂慈覲密運神通資聖壽於延長保皇基於廣大師在內一月餘日聖澤優隆七寶裝龕六銖裁服頒

畧

賜所厚今古難倫當月二十九日宣下李托  
部署却迴山門有參學小師雙峰山長老廣  
悟大師賜紫竟欽溫門山感悟大師契本雲  
門山上足小師應悟大師常寶等同部署真  
身到闕亦在內庭受供恩渥異常其諸上足  
門人常厚等四十餘人各是章衣師號散在  
諸方或性達禪機或名高長老在京小師悟  
明大師都監內諸寺賜紫常一等六十餘人

或典謀法敎或領袖沙門臣才異披沙學同  
鑄水處膺鳳旨紀實性以難周愧匪雄詞勒  
貞珉於不朽乃爲銘曰

於穆大雄敎敷百億亭育二儀提攜八極不  
滅不生無聲無色卓爾神功昭然慧力其一化  
無不周道無不備法旣流兮敎旣布矣爰示  
滅樂歸乎妙理實性真宗枝分風靡其二祖祖

傳心燈燈散燭詮諦騰鑣聖賢交躅種種津

畧

梁門門杼軸正覺廣焉尋之不足

其三厥有寶

林重芳一葉布無上乘登無上機法炬瞳曨

尼珠煥燈拯溺迷津救焚塵劫

其四

南北學徒

樞衣朝夕無醉不醒無昏不釋示其生焉來

彰慧績示其滅焉歸圓真寂

其五

湛然不動塔

韞寶光玉毫彌赫金相彌莊時乎未矣我則

晦藏時乎至矣我則昭彰

其六

爰於明朝現茲

法質如撥障雲重舒朗日瑞應皇基福隆帝

室聖覽禎祥恩頒洋溢其七三翼沿泝千里請

迎迎來丹闕設在三清金銀羅列瓊璧堆盈  
俄生紫氣潛覆皇城其八日陳供席夜奏笙歌

施億寶貝捨萬綺羅神傾簷葛天降曼阨前

佛後佛顯應斯多其九明聖君仁仁慈主聖

比和風慈同甘雨祚與天長敎將地固勒之

貞珉永芳千古其十維大寶七年歲次甲子

四月丁未朔列聖宮使甘泉宮使秀華宮使

覩華宮使開府儀同三司行內侍監上柱國  
臣李托 玉清宮使德陵使龍德宮使開府  
儀同三司行內侍監上柱國武昌縣開國男  
食邑三百戶臣龔澄樞承旨建 右街大乾  
亨寺內殿供奉講論兼表白意法大師賜紫  
沙門臣行修奉勅書 右龍虎軍控鶴將軍  
陪戎副尉臣孔廷謂臣廷津臣陳廷嗣臣鄧  
懷忠等鑄字

碑本鑿作鑒利作刹曹溪之曹作漕載  
作牽月作凡海作衆皆與刊本異其文並  
與乳源縣志及五代史記注所載本又少  
有同異注本缺老矣誠有奈禪宗地振炫  
利銀錢位所毫等字不立尊宿辛未注本  
作不立導無辛字又志本欲界之界作戒  
俱萌之萌作明屣脫之屣作履藏象之藏  
作象相受之受作授佛朔之朔作塑宏道  
之道作通繼久之久作文天土之天作太  
是妙之妙作以僧脩作增修洎六祖之洎  
作自果證之證作澄幼足之幼作多譯偈  
之譯作懌數月之月作日兩斤之兩作三  
後聞作復問柄丁之届作居路同之路作  
畧吾若滅後必遇無上人志無若無字使  
令作便命歲澑之澑作益僧號之僧作師  
遣迥之迥作還中宗下無文武八字降詔

畧

無詔字題賜塔院作預塔院額師意無師  
字命侍者無命字本府無府字用功開鑿  
無用功字異耀之異作見盈船之船作盤  
於廣大之於作而優渥之渥作隆章衣之  
衣作服長者之者作老交躅之交作受皇  
降之降作基福隆之福作降今從碑本而  
考證諸刊本  
補其闕文

僧神坦

長慶禪院銅鐘款

漢乾和十五年歲次丁巳十一月一日癸未  
朔二十日壬寅雲母山長慶禪院沙門神坦

普勸眾緣鑄造洪鐘一日重八百斤上資國祚普及四恩下濟三有永充供養

按欵內旣書十一月一日復云癸未朔於義爲複又濟作濟益當時沙門中不通文者所爲也

吳懷恩

番陽人先主時爲內府局丞累官桂州團練使爲部軍所殺南漢書有傳

感報寺銅鐘欵

維大漢乾和十六年太歲戊午閏六月庚辰朔十六日己未弟子南華官使桂州管內招

畧

討使特進行內侍上柱國吳懷恩鑄造鴻鐘  
一口重五百斤置於梧州雲蓋山感報寺永  
充供養上資當今皇帝龍圖永固聖壽萬春  
謹記

按鐘在蒼梧縣光孝寺高三尺口徑一尺  
七寸真書徑六分

劉崇遠

新開宴石山記

以上缺

容州管內都製置鹽鐵發運等務竝

白州永資院點檢義勝等都

缺

務

缺

賜紫金

魚袋劉崇遠

蓋聞住非聲而去非色無滅

無生視不見而聽不聞有

缺

下

缺

三空俄

顯一德爰彰善念必通勤行可學明明宗旨

麻麻程途實有路以堪躋

缺

二

門而可入自

是心源不透智筏未征達彼岸以何由湊元

關而莫迨崇遠自親禁掖厚忝渥恩凡覩靈

蹤悉虔俗志冀精勤於一善上報答於九重

宴石山者在白州博白縣之西鄉與馬門灘  
狀波公之祠鄰近圖經云昔有神人稱陳越  
王今有古宮基址見在廉州合浦縣缺二曾  
字

宴於此山故以爲名焉其山也西枕清波南

連翠缺曉則輕雲簇白晝則遠樹攢青石罅

泉噴點點而斜飛皓雪缺二字花秀葉葉而密

綴紅缺左糲右廻前龜後鶴蔬足菓足松寒

竹寒昔曾有人臨水缺二字作佛像約高五丈

餘未窮其年代者矣

缺

有壬向石室一所唐

咸通中高相座

缺

統十道兵師禦八蠻疆境

經行之際於此

缺

塑造佛像今以

缺二字

崇遠

因監製運遂切經營乃命良工闢爲精舍一

山廻臺兩室相鄰

缺

是以黑金鑄釋迦瑞象

設於東室又鑄釋迦牟尼佛一座兼別鑄五

百阿羅漢

缺二字

羅漢設於西室其次有石引

廊齋堂僧房等在於室外請僧師肇道志惟

敏惟忠住持焚修缺則飛章聞奏皇澤爰頒

賜額號於缺二

字

今爲覺果之禪院

缺

謂覺乃

大覺之缺

字

果乃勝果之門覺與果齊果因覺

集缺三

字

外天鑒洞臨致去石嵐永爲勝地又

別有東峯石山一座中有東西南北四室嵬

峩若畫礪魄如鑄直疑乎造化剝開又恐是

神仙斲出多景多致唯煙唯霞亦以黑金鑄

玉皇道君老君天地水三官竝左空右干

眞人玉童玉女左右龍虎君元中大法師設  
於室內卓爾威儀森然侍衛請道士廖德崇  
劉守清盧守和等別建道院住持焚修以乾  
和十五年丁巳歲八月二十三日起建迄于  
大寶元年戊午歲十二月二十七日畢功建  
置道場設齋慶讚訖莫不青蓮金柱如忉利  
以初來錦舌蒼肝似藥珠而乍降繇是命乎  
緇侶招彼羽人金鑪曉炷以馝馞銀炬宵燃

而炫耀用全因果上贊休明

缺

來四海之朝

宗盡類眾星而拱極功旣畢矣願且周焉可

以齊嵩華之堅可以竝江河之永靈基勝跡

萬古千秋時大漢大寶二年太歲己未九月

癸卯朔二十四日丙寅記 晨輝殿使知白

州軍州事都管勾容州管內都製置鹽鐵發

運等務朝請郎檢校尚書工部員外郎柱國

賜緋魚袋樊匡嗣榮秉郡符同崇

缺

勝社

左靜

下缺

都部領將金紫光祿大夫左領

缺

將軍檢核刑部上書

缺五字

上柱國蔡彥宏

寧遠軍節度衙前兵馬使充製置務表狀孔

目官

缺

昭書

製置務客司軍將李道員鑄

接記真書徑八分許在博白縣考縣志云

宴石山在顏毅堡與紫陽巖相連兩地寺

觀皆劉崇遠關建僭竊之世具此物力取

於民多矣已未周恭帝顯德六年也記爲

覺果禪院作蔡條鐵圍山叢

談稱普光寺者宋時改名耳

僧義初

寶林禪院鐘款

粵維大寶二年太歲己未七月甲辰十九日  
壬戌樂昌黃蓮山寶林禪院住持長老明徽  
大師賜紫沙門義初召眾緣鑄造銅鐘一口  
重四百斤勸首弟子給事郎守內侍省內府  
局令都監樂昌防遏諸都并監樂昌院事賜  
紫金魚袋鄭敬贊以七月二十八日設齋慶  
讚永充供養 奉勑鐫題黃蓮山銅鐘壹口

官力

僧崇愍等

乾亨寺銅鐘款

維大漢大寶四年歲次辛酉九月辛酉朔二  
十五日乙酉鑄造銅鐘一口重一千五百斤  
於乾亨寺永充供養僧正大德崇愍都監大  
德行超監寺大德都維那僧楚形住持從義  
楚澄熒然戒詮智進知亮宏遇西頭供奉官

都監賀州防拓應援等軍並監賀州事徵事  
郎守內侍省內府局令賜紫金魚袋梁延康  
管甲指撫使全友誠劉處詳佐遷內承旨黃  
守鐸指撫使陳匡遠左雄勇指撫使都監賀  
州應援軍銀青光祿大夫檢校刑部尙書兼  
御史大夫上柱國郭達西頭高品譚文定西  
上閣門使副權錄事參軍梁延福 郭居弟  
子楊德威廖師進宋居訓黃進父詹延達鄧

承潤王廷猷梁承遮蕭彥鎬黃仁祚李延亮  
孟漢璿劉意琅黃少璘陳延福胡延舉蕭彥  
湘王景起莫少宣陳進清孟漢達孟意通陳  
德用姚宏雅黃仁裕虞從慶丘鄰倫延綏嚴  
匡演楊燦李常溫廖延通李延意莫楷虞才  
訓女弟子蔣氏六娘黃二娘徐四十娘李  
十四娘虞二十一娘陳二娘歐陽十八娘陶  
五娘李二十八娘馮一娘高品銀青光祿

大夫檢校國子祭酒兼侍御史柱國莫道贊  
翰林缺待詔文林郎試大理評事王師訓

眾緣應援軍十將盧法住龐保定楊僧羅法  
寧劉光美李善能楊象封努陳令簡鄧會陳  
道情梁雪羅貴楊道意楊公海覃廷儀潘廷  
美馮金劉迢何匡韻龐婺兒伍僧會潘楚規  
楊軍朗梁瑤盧嫩龔硯楊知蘇蘊黃延集楊  
虔吳採龐奴甯舍梁彥通梁幼余戀甯光包

邵兒洗初鍾添唐勝梁云慶堯保成劉史乾  
亨寺住持僧宏遇善儒志寬善慧寺監寺大  
德緣集法喜正惠禪院監院大德智堅西山  
勝果寺監持大德惠長寺主契真仁王寺監  
寺大德善德峽山寺大德從惠審依東南道  
靈化寺大德延蒲 鑄造匠人梁道崇顏位  
鄧珠書人區昱鑄字匠人齊公延齊公握阮  
仁與田從訓 衆緣弟子馬軍郭道崇陳延

嗣何懷堅李懷進梁道崇李廷真區彥從錢  
珣唐緒顏位陳彥詳防拓軍十將何肱聶軻  
王畋成行柔阮敬芝張利保區珍陳廷桂李  
辛朱從順楊廷懿蘇全志植昌鍼陳儻陳癸  
黎小錐陳保得吳甯收區昱鄧珣楊延慶凌  
孟益羅敬旻黎匡兗黎崇徽陳法善梁觀音  
林光嗣禰慶眾張僧養林讓梁匡錫陳延智  
何佛養陳延壽梁保志馮僧保李文叨陳潘

久蘇亞張料六梁保綏何廷泛劉道誠梁敬  
遷梁度嚴留梁光嗣吳佛保陳公遠區延志  
聶再隆陳彥嵩盧光志王佛壽劉韶向延古  
陳佛看蘇保兒蒙愛梁延愛梁和尙莫宋張  
佛王老徐嫩植崇保梁懷徹盧延保區紹陳  
承鄴黃知道王期陳師黎佛念鄧法護洗光  
嗣李張盧邢封善修盧從緼陳思憲 女弟  
子陳三娘區四娘宋九娘李八娘陳二娘任

畧

八娘簡十娘王一娘劉二娘李九娘廖二娘  
趙十六娘徐九娘何一娘陳一娘 左廂都  
押衙知桂嶺縣事歐陽敬忠右廂都押衛梁  
存忠防城都押衙黃延靜四界馬步都虞候  
知馮乘縣事孟漢雄馬步都虞候莫慶典承  
議郎守連山縣程崇珪捕賊官陳子勲虞承  
達馮令羽軍事孔目官知寶城場務虞延慤  
鼓鑄都勾孔目官知富川縣梁珠軍事押衙

官勾蕩山縣科敬楊蘊讀示孔目官鍾全美  
廳勾孔目官陳昌鼓鑄孔目官虞保忠陳承保黃承畔  
鍾仁英州司孔目官虞保忠陳承保黃承畔  
表奏孔目官費沆虞仁贊王廷規虞仁祚倉  
督廖仁亮臨賀縣都行耆壽虞師岳陳子璇  
歐陽續桂嶺縣都行耆壽李罕餘富川縣都  
行耆壽王漢膺董仁興馮秉縣耆壽何仁富  
蕩山縣耆壽黎霜層寶城場行首賓懷祚

畧

接鐘文真書徑五分在賀縣三乘寺高四尺四寸口徑二尺五寸四面皆有款廣西通志云其官位及僧徒稱謂亦足考一時之制內多異姓如洗慶植禪科賓之類禪音喧今南中尙有此姓而洗或作洗觀是鐘知其誤自五代時已然大寶辛未爲宋太祖建隆二年考史是年九月朔壬戌此云辛酉亦差一日也

缺名

鎮象塔記

以大寶

下缺

月乙卯朔六日庚申

下缺

面招

計使行內侍監上柱國邵

下缺

地一段收

下

缺及諸寺院僧尼鑄造佛頂尊勝 下缺 尼

缺大白衣觀 下缺 薩尊 下缺 塔五層四面龕

室裝嚴佛像又捨黑 下缺 差僧延嗣住持梵  
修伏以所崇妙善蓋 下缺 羣象踏食百姓田

禾累奉勅下差人採捕駆括入欄烹煮應贍

軍 下缺 其戴甲披 下缺 負來之 下缺 遺骸滯

魄難超捨去 下缺 良因免涉幽扃之苦速承

濟度永辭異類之徒

畧

按異萊南海古蹟記云東莞鎮象塔禹餘宮使邵廷瑞造粵東金石畧題大寶五年然據路接九國志廷瑞於大寶七年始加招討使而今拓本已題有招討使之銜其年月名字俱缺疑未必果爲廷瑞矣詳南漢書者異

### 長壽寺鐘款

大漢皇帝維大寶七年歲次甲子正月一日  
戊寅鑄造洪鐘一口重銅壹千四百六拾斤  
於長壽寺永供養 其鐘元在長壽寺至今  
戊辰歲四月八日却移於法明寺永充供養

都維那僧惟省直歲僧法光典座僧令恩上

座文昌

按戊辰爲大寶十一年鑄  
鐘後四年而移於他所也

南漢文字畧卷二終